

主編◎林慶彰 賴明德

劉兆祐 張高評

晚清四部叢刊

第三編

51

楊士驥《楊文敬公奏議》

主 編◎林慶彰 賴明德

劉兆祐 張高評

晚清四部叢刊

第三編

51

楊士驥《楊文敬公奏議》

國家圖書館出版品預行編目資料

晚清四部叢刊. 第三編 / 林慶彰等主編. --臺中市 : 文听閣圖書, 2010.11
冊 ; 公分

ISBN 978-986-85747-3-1 (全套:精裝)

1. 叢書 2.清代

082

99021534

ISBN 978-986-85747-3-1



《晚清四部叢刊》第三編 (全 120 冊) 16k 精裝

主 編： 林慶彰 賴明德 劉兆祐 張高評
副 主 編： 蔣秋華 邱德修 馮曉庭 王基倫
出 版 · 發 行： 文听閣圖書有限公司
地 址： 台中市西屯區(407)逢甲路 225 巷 9 號
電 話： (04)27067357
傳 真： (04)27067028
統 編： 27832175
印 刷： 卡樂彩色製版印刷有限公司
電 話： (02)28834213
初 版： 2010 年 11 月

ISBN : 978-986-85747-3-1

定 價：新台幣參拾陸萬元整

目次

楊文敬公奏議

楊士驤

楊文敬公奏議

宣統元年五月十三日內閣奉

上諭直隸總督北洋大臣楊士驤學識通達才猷敏練由翰林洊擢道員歷任藩臬兩司山東巡撫均能克稱厥職嗣命總督直隸兼北洋大臣尤能力任繁劇綏靖畿疆朝廷深資倚畀前因患病賞假調理方冀漸次就痊長承恩眷茲聞溘逝軫惜殊深楊士驤著加恩追贈太子少保銜並著予諡照總督例賜卹任內一切處分悉予開復應得卹典該衙門察例具奏該督靈柩回籍時著沿途地方官妥爲照料伊子分省補用道楊毓瑛分省試用道楊毓現均著以道員儘先補用伊孫一品廕生楊慶壽著賞給員外郎分部補用用示篤念蓋臣之至意欽此

--	--	--	--	--	--	--	--	--	--	--	--

FILE

御製碑文

朕惟鞠躬盡瘁者人臣委贄之初心銘勒洪伐者朝廷飾終之盛典若夫建旄著績秉鉞宣猷抒東觀之文章作北門之鎖鑰積勞既茂寵卹宜崇爾原任北洋大臣直隸總督楊士驤賦性忠誠持躬恪慎早依玉署追隨侍從之班分課石渠勉論思之地博通掌故校理秘文入鎖闈而妙選英才膺計典而遂書上考一麾乞外卽晉監司三輔從公遽襄槃敦維時中原多故西鄰責言滄海幾至橫流潢池頻聞盜弄惟爾折衝尊俎酌劑金縢贊元老之壯猷懾敵氛之驕燄有司敘其殿最

先朝嘉其忠忱眷顧邦畿時陳臬事外臺之職廉鎮所資五術觀風唐代重黜陟之使八條按俗宋臣隆提點之才持平而民自無冤除暴而吏皆稱職洎江西之晉擢旋冀北之量移敷政甚優維

藩是賴黃圖鞏固深資保障之功赤籙森嚴丕煥旬宣之洽既而榮持籜節作牧桐疆表海徧及齊封行河無殊漢使承天八柱看朱紱之方來報政三年促介圭之入覲爰自東土移鎮北洋聞入告之嘉謀贊重熙之盛治師干重寄領羣牧而鎮元戎幕府宏開隆上都而觀萬國文通武達內平外成皇天降災迭遭

國卸蟻裳就任効君爽之秉璋

龍輅奉移痛軒皇之遺劍恪恭將事哀慕動人逮乎禮成薄施懋賞方冀長材幹濟頻獻紆籌何期惡耗遠來遽聞溘逝載披遺疏彌愴中懷追念其治事之勤何奪我良臣之速諡之文敬允協嘉名於戲時艱方亟賢佐云徂勸獎遺勳庸有望於來者肇稱殷禮尙其宜爾後人用建豐碑長貽來葉

皇清誥授光祿大夫直隸總督太子少保楊文敬公墓誌銘

并序

今天子嗣祚宣統紀元夏五月直隸總督楊公薨於位疏聞

上震悼加贈太子少保予諡文敬命儒臣撰賜祭文墓碑以葬粵
以其年冬十二月初九日葬公於淮安雨前莊公子毓瑛毓琨先
期以銘墓之文屬之傳霖余老矣僂然朝右無能爲役念公年當
強盛奮發有爲而忽焉中止此尤余所爲悵悵而悲也爰太息流
涕而序之曰自髮捻戡定海禁大開東西各洋與國之謀夫志士
舉挾其智能材力以與吾角當事者稍齟齬之輒失利公以書生
厯佐幕府由通籍訖於專閫無時不以內修外攘爲兢兢每有國
際大事他人疑撼而舌撝不下者公治之如置器平地靡不妥帖
年少而性沈毅敏於任事明於觀人比年對外政策雖日益盤錯
而措施排決善伐敵謀能爲外人敬畏者公其一人也公諱士驤

字蓮府泗州人光緒丙戌科進士改翰林院庶吉士壬辰授編修以道員保送分直隸省補用庚子拳匪亂作

兩宮西狩英美俄日各國聯軍入京師保護使館

行在命兩廣總督李文忠公鴻章赴天津持和議當是時也文忠公繫天下重望幕府多才而文忠獨偉視公延入幕中參預機要嘗語人曰學問能倉卒應變洞中肯綮機警而曲當者無如楊某也和議成文忠公督直隸爲奏補通永道值

回鑾謁陵差疊次

召見溫語有加三遷至山東巡撫公履任首以防河治盜爲急務而以覘敵爲樞機先是德意志政府訂膠州灣爲租界設總督以下官主之庚子之役德又戍兵於膠州高密以防亂爲名曹州府巨盜藪也公遣將吏授方畧卒殲巨魁孔廣宗陳二母牛等闔境

肅然河工歲決公曰是河員狃於靡款興修爲漁利獵保案計也
迺定章河工每歲不決口則安瀾後河員概予保敘兵弁歲款准
其照支決則河員嚴議參革不准留工効力兵弁依律論斬終公
之任無河患德駐膠總督以擴充租界請公嚴拒之且與商定縮
短鐵道左右各十五里之采鑛權撤退膠高戍兵改訂五處鑛產
新約以已開之鑛址爲限濟南開商埠公定章與外人立約均以
華文爲主爲前此立約所未有外人服公之誠無相稽持者德皇
特贈頭等第二寶星以致敬禮旋拜直隸總督之

命遇事尤能鎮靜持大體

諭旨稱其勤任繁劇綏靖畿疆良有以也公生於咸豐十年六月
二十七日酉時薨於宣統元年五月初十日午時得年五十曾祖
諱果亭祖諱殿邦官至漕運總督清廉自矢貧不能歸遂流寓淮

安父諱鴻弼江蘇知府三代皆

贈如公官妻徐氏

誥封一品夫人子二毓瑛分省補用道毓琨分省試用道

朝廷推恩均

賞以道員儘先補用孫二慶壽一品廕生

賞員外郎分部補用覲壽女一適雲南吳慈培官直隸候補道孫

女六公學行功業具見國史館本傳及吏部右侍郎于式枚所撰

神道碑不復論特著其生平志節關繫天下之大者藏於公之墓

而系以銘曰

淮泗湯湯實產英絕中興元功于今為烈西平二難宏農八俊衣

鉢先傳松筠後勁何圖安石雞逼酉年朝曦節鉞夕照山川三輔

風淒八荒雲慘昔墮橋弓今遭井坎祁連 賜冢佝僂負天

帝澤汪濊茲重泉

賜進士出身翰林院編修

經筵講官

太子少保

體仁閣大

學士鹿傳霖頓首拜撰

楊文敬公奏議目錄

卷一

到山東巡撫任謝 恩摺

河工凌汎平穩摺

籌築河隄片

考查州縣事實摺

遵保提鎮大員摺

密保統兵大員片

壩工經費請仍照案撥用摺

河工桃汎平穩摺

籌議挑練旗兵摺

出省巡閱片